




DEPUTACIÓN DE LUGO

CONVENIO DE COLABORACION EXCEPCIONAL ENTRE A EXCMA. DEPUTACIÓN PROVINCIAL DE LUGO E O CONCELLO DO CORGO PARA O PROXECTO ACONDICIONAMENTO DO CAMPO DE ADESTRAMENTO DE FÚTBOL

Lugo, 30 de decembro de 2014



REUNIDOS:

Dunha parte, o Ilmo. Sr. Don José Ramón Gómez Besteiro, presidente da Excma. Deputación provincial de Lugo, que actúa en nome e representación da entidade local, de acordo co disposto no art. 34 da Lei 7/1985, de 2 de abril, reguladora das bases do réxime local, asistido polo Secretario Xeral da entidade, don Jose Antonio Mourelle Cillero.

E doutra, don Jose Antonio Ferreiro González, con NIF 33782978A, alcalde do Concello do Corgo, con CIF P2701400J, que actúa en nome e representación da entidade local, en base ao disposto no artigo 21 da Lei 7/1985, de 2 de abril, reguladora das bases de réxime local.

Ambas as dúas partes recoñécense mutuamente a capacidade xurídica necesaria para a formalización do presente convenio regulador de subvención excepcional aceptándose reciprocamente as representacións en cuxa virtude actúan, e de común acordo,

MANIFESTAN:

Primeiro. Que con data 30 de decembro de 2014, por acordo da Xunta de Goberno da Excma. Deputación Provincial de Lugo, dispuxo a concesión dunha subvención de carácter excepcional, a favor do Concello do Corgo, por importe de corenta e cinco mil euros (45.000,00 €), para financiar os gastos do proxecto deportivo denominado: "Acondicionamento do campo de adestramento de fútbol".

Segundo. Que existe crédito adecuado e suficiente para facer fronte ás obrigas económicas derivadas da subscripción do presente convenio na aplicación orzamentaria 3410.762 (financiándose con suplemento de crédito aprobado por acordo do Pleno de data 29.07.14, con cargo a remanentes de Tesourería) por importe de corenta mil douscentos corenta e dous euros con vinte céntimos (40.242,20 €), e 3410.762 do Plan Estratéxico de Subvencións por importe de catro mil setecentos cincuenta e sete euros con oitenta céntimos (4.757,80 €) do orzamento xeral da Excma. Deputación Provincial de Lugo, para o ano 2014.

E con base en tales antecedentes, ambas as dúas institucións consideran oportuno establecer un convenio de acordo coas seguintes,

CLAÚSULAS:

Primeira. O obxecto do presente convenio é regular a subvención de carácter excepcional concedida pola Excma. Deputación Provincial de Lugo ao Concello do Corgo para o financiamento do proxecto denominado "Acondicionamento do campo de adestramento de fútbol".

Segunda. A subvención inclúese dentro da Liña A2, actuación B Deporte, da Área de Benestar Social, Deporte, Igualdade e Mocidade, do Plan Estratéxico de Subvencións da Excma. Deputación Provincial de Lugo, para o ano 2014.

Terceira. O importe da subvención concedida pola Excma. Deputación Provincial de Lugo é de corenta e cinco mil euros (45.000,00 €), non tendo o dito importe o carácter de certo, xa que fai referencia a unha



porcentaxe ou fracción do custo total do proxecto, xa que a lo menos, o 5% do proxecto subvencionado deberá ser financiado pola propia entidade beneficiaria.

En caso de incumprimento do previsto no paragrafo anterior, procederase á redución da parte proporcional da achega económica provincial.

En ningún caso o importe da subvención concedida poderá ser de tal contía que, illadamente ou en concorrencia con subvencións ou axudas doutras Administracións Públicas ou entes públicos ou privados supere o custo total da actividade subvencionada.

Cuarta. Considéranse gastos subvencionables, aqueles que de maneira indubidable respondan á natureza da actividade subvencionada, resulten estritamente necesarios, e se realicen entre o 1 de xaneiro de 2014 e o 31 de xullo de 2015.

Os gastos financeiros, os gastos de asesoría xurídica ou financeira, os gastos notariais e rexistrais e os gastos periciais para a realización do proxecto subvencionado e os de administración específicos son subvencionables se están directamente relacionados coa actividade subvencionada e son indispensables para a adecuada preparación ou execución da desta.

Para os efectos do disposto no artigo 31.1 e 2 da lei 38/2003, de 17 de novembro, xeral de subvencións, considerase gasto realizado o que se acredite coa presentación das facturas e/ou xustificantes de gasto, sen que sexa necesario que se atope pagado nin que se acredite o seu pagamento.

Quinta. O orzamento estimado de gastos do beneficiario para a realización dun proxecto deportivo denominado "Acondicionamento do campo de adestramento de fútbol", ascende a cantidade de setenta mil euros (70.000,00 €).

Sexta. O beneficiario comprométese a desenvolver as seguintes accións, actividades e/ou comportamentos:

- Levar a cabo a celebración do proxecto: Acondicionamento do campo de adestramento de fútbol
- Ao pagamento de cantos gastos, dereitos, canons, taxas, impostos, compensacións e indemnizacións aos que dera lugar o cumprimento das actividades a desenvolver en virtude do presente convenio, así como a obtención de todos os permisos, licenzas e seguros precisos para a súa execución.

Sétima. O beneficiario pode subcontratar con terceiros ata o 100 por cento do importe da actividade subvencionada.

Oitava. Se é o caso, o beneficiario da subvención incluírá a imaxe corporativa da Deputación de Lugo-Vicepresidencia Primeira-Deporte, a cal será cedida pola Deputación Provincial de Lugo e utilizará o idioma galego en todos aqueles soportes que utilice para publicar a actividade ou comportamento subvencionado.

Novena. O aboamento da subvención realizarase do seguinte modo:

O sesenta por cento do importe da subvención, é dicir, vinte sete mil euros (27.000,00 €), faranse efectivos mediante anticipo a conta, con dispensa de garantía, a través de transferencia bancaria á conta corrente do beneficiario unha vez asinado este convenio.

O corenta por cento restante, é dicir, dezoito mil euros (18.000,00 €), aboaranse unha vez aprobada a documentación xustificativa da subvención, a través de transferencia bancaria á conta corrente do beneficiario.



Non se procederá ao aboamento da subvención se o beneficiario non está ao corrente no cumprimento das súas obrigas tributarias e fronte á seguridade social ou sexa debedor por resolución de procedencia de reintegro.

Décima. Unha vez finalizada a actividade, acción ou comportamento e no prazo establecido, o beneficiario deberá xustificar a subvención mediante a presentación da seguinte documentación xustificativa:

- Memoria da actividade subvencionada, xustificativa do cumprimento das condicións impostas no convenio, con indicación dos resultados obtidos.
- Memoria económica, xustificativa do custo da actividade subvencionada, que conterà:
 1. Relación clasificada dos gastos da actividade subvencionada, con identificación do acredor e do documento, o seu importe e a data de emisión.
 2. Certificación expedida polo Interventor ou Secretario do concello do custo total da actividade subvencionada indicando o importe do financiamento, acreditando que a relación dos gastos da actividade subvencionada atópase executado e as obrigas recoñecidas ou liquidadas polo órgano competente.
 3. Facturas ou documentos de valor probatorio equivalente no tráfico xurídico mercantil ou copias compulsadas, incorporadas na relación á que fai referencia o parágrafo anterior, achegándoas, polo importe do custe total da actividade e orixinal ou copia compulsada da certificación de obra.
 4. Certificación expedida polo Interventor ou Secretario do Concello de que, a acción ou comportamento obxecto da subvención, foi realizada na súa totalidade co cumprimento das condicións que motivaron a concesión.
- Acta de recepción.
- Declaración responsable do representante do concello da relación detallada das subvencións ou axudas obtidas doutras administracións públicas ou entidades privadas para a actividade subvencionada, con indicación do seu importe e procedencia ou no seu caso, de non ter outras subvencións públicas ou privadas para a actividade subvencionada.
- Declaración responsable do representante do concello de estar ao corrente das súas obrigas tributarias coa Axencia Estatal da Administración Tributaria, Xunta de Galicia, Deputación Provincial de Lugo e coa Seguridade Social e de non ser debedor por resolución de procedencia de reintegro.
- Declaración responsable do representante do concello, de que asumiu o custo do imposto sobre o valor engadido (IVE), por non ter a posibilidade de compensalo ou recuperalo.
- Se é o caso se acompañarán documentos que acrediten que a imaxe corporativa da Deputación de Lugo - Vicepresidencia Primeira – Deporte, se inseriu na publicidade da actividade ou comportamento subvencionado. Estes documentos acreditativos poden ser substituídos por unha declaración responsable do beneficiario.
- Documento bancario no que se indique o número da conta da entidade beneficiaria na que se procedera, no seu caso, ao aboamento da correspondente subvención.
- No caso de non executarse a totalidade da cantidade aboada en concepto de anticipo, presentarase documentación xustificativa do reintegro da parte non executada na conta da Deputación: 2080-0163-85-3110000423. De non cumprirse esta obrigación, procederá o reintegro da cantidade percibida e non executada e a esixencia do xuro de mora correspondente dende o momento do pagamento da achega ata a data na que se acorde a procedencia de reintegro.



O aboamento da subvención, unha vez aprobada a documentación xustificativa da mesma, será efectuada mediante transferencia bancaria á conta sinalada polo solicitante. Non se procederá ao seu aboamento se o solicitante non está ao corrente no cumprimento das súas obrigas tributarias e coa Seguridade Social ou sexa debedor por resolución de procedencia de reintegro.

Undécima. A presentación da documentación xustificativa constitúe un acto obrigatorio do beneficiario.

O prazo para a presentación da documentación xustificativa, comezará unha vez finalizada a actividade subvencionada finalizará o 30 de setembro de 2015. Transcorrido este prazo sen ter presentada a documentación xustificativa, requirirase ao beneficiario para que no prazo improrrogable de quince días sexa presentada. A falta de presentación da documentación xustificativa neste prazo adicional levará consigo a perda do dereito ao cobramento da subvención, o reintegro da cantidade aboada como anticipo a conta e demais responsabilidades previstas na Lei Xeral de Subvencións.

Duodécima. O presente convenio terá vixencia dende o día seguinte a súa formalización ata o 31 de xullo de 2015, con efectos económicos dende o 1 de xaneiro de 2014.

Este convenio non poderá ser prorrogado.

Calquera modificación e/ou ampliación do presente convenio efectuarase por acordo entre as partes mediante addenda respectiva.

Décimo terceira. Serán causas de resolución anticipada do presente convenio:

- A renuncia por escrito á subvención concedida.
- A imposibilidade sobrevida, legal ou material, para desenvolver as actividades que constitúen o seu obxecto.
- O incumprimento grave ou manifesto das súas cláusulas.

Décimo cuarta. A Excm. Deputación Provincial de Lugo queda exonerada de toda clase de responsabilidade civil, mercantil, laboral ou de calquera tipo que se derive das actuacións ás que queda obrigado o beneficiario.

Décimo quinta. En todo caso, a Excm. Deputación Provincial de Lugo, a través dos seus órganos de control económico financeiro, poderá en calquera momento inspeccionar e controlar o destino da achega económica realizada pola Deputación e o cumprimento dos fins para os que foi concedida. Para ese efecto, o beneficiario da subvención poñerá a disposición dos devanditos órganos toda a documentación que lle requiran co fin de realizar un correcto control e inspección sobre os gastos para os que se concede a achega económica.

Décimo sexta. A información e datos correspondentes ás persoas/entidades/colectivos beneficiarios da presente subvención atópanse amparados pola Lei Orgánica 15/1999, de 13 de decembro, de Protección de datos de carácter persoal polo que tanto o beneficiario como a Deputación Provincial de Lugo gardarán segredo profesional sobre todas as informacións, documentos e asuntos aos que teñan acceso ou coñecemento durante a vixencia do convenio, estando obrigados a non facer públicos ou allear cantos datos coñezan como consecuencia ou con ocasión da súa execución, ata despois de finalizar o prazo de vixencia do mesmo.

Décimo sétima. O presente convenio ten natureza administrativa e rexerase, ademais de polo disposto nel, polas normas de dereito administrativo que, directamente ou por analogía, poidesen resultar de aplicación. En particular, resulta aplicable o disposto na Lei 38/2003, de 17 de novembro, Xeral de Subvencións, no Real



DEPUTACIÓN DE LUGO

Decreto 887/2006, de 21 de xullo, polo que se aproba o seu Regulamento, na Lei 9/2007, de 13 de xuño, de subvencións de Galicia, na Ordenanza xeral de subvencións da Excm. Deputación Provincial de Lugo, nas Bases de Execución do Orzamento Xeral de Excm. Deputación Provincial de Lugo, o Regulamento Orgánico da Deputación de Lugo e no Plan estratéxico de subvencións para a presente anualidade.

Décimo oitava. A xurisdición contencioso-administrativa será a competente para resolver cantas cuestións litixiosas poidan xurdir entre as partes asinantes do presente convenio.

En proba de conformidade cos termos do presente convenio regulador, as partes comparecentes o asinan e rubrican por triplicado, para un só efecto, no lugar e data expresados.

O Presidente
P.D. Decreto nº 2228/2012, de data
18-07-2012
A Vicepresidenta


Lara Méndez López

O Representante da Entidade
Beneficiaria


Jose Antonio Ferreiro González

O Secretario Xeral


José Antonio Mourelle Cillero